



1 Hauptplatz & Linzer City
Mjesto vrijedno divljenja zasigurno je glavni trg (Hauptplatz) sa upečatljivim Stubom Presvetog Trojstva. Barokne građevine smještene odmah uz Dunav okružuju jedan od najvećih salonskih trgova Evrope, dok brojni kafići i lokali pružaju ugodan ambijent za boravak.



2 Donau & Brucknerhaus
Oaza za slobodno vrijeme u gradu je dunavski park s lokalima, umjetničkim djelima u javnom prostoru i koncertnom dvoranom Brucknerhaus. Koncertna dvorana direktno uz rijeku posjeduje jedinstvenu akustiku i poziva na doživljaj zvuka u oblasti klasike, jazz-a, orkestarske i svjetske muzike.



3 Mariendom
Nova katedrala je mirni pol u samom centru grada. Istovremeno je to najveća crkva u Austriji. Nebesko stepenište vodi preko 633 stepenica do najvišeg kamenog balkona na 112 metara visine. Pogled s najvišeg vidikovca jedne crkve u Austriji je spektakularan.



4 Altstadt & Schlossmuseum
U dvorcu je smješten dvorski muzej sa sadržajima iz oblasti historije umjetnosti te kulturne i prirodne historije Gornje Austrije. Moćna građevina ostavlja dubok dojam svojom arhitekturom i pogledom na barokni Stari grad. Kao što je to slučaj u centru grada, i ovdje se mogu naći brojne prodavnice koje atraktivnim sadržajima privlače posjetioce.



5 Musiktheater am Volksgarten
Muzikli, opere ili plesno pozorište su svoje utopište našli u muzičkom pozorištu. Impozantna građevina smještena uz park, otvorena 2013. godine, ubraja se u najmodernije opere Evrope. Vlastite produkcije oduševljavaju kako publiku, tako i kritičare.



6 Lentos Kunstmuseum
Moderna zgrada Lentosa okružuje obalu Dunava poput velikog okvira za slike. Radi se o jednom od najznačajnijih muzeja moderne i savremene umjetnosti koji raspolaže djelima Klimta, Kokoschke i Schielea. Noću je vrlo impresivna i svjetleća fasada ove zgrade.



7 Ars Electronica Center
„Muzej budućnosti“ posvećen je svijetu kakav nas čeka u budućnosti. Interaktivne izložbe na umjetnički način prikazuju kakve posljedice tehnologija ostavlja na svakodnevnicu čovjeka. Jedinstven doživljaj predstavlja i Deep Space 8K sa slikovnim svjetovima i 3D animacijama.



8 Pöstlingberg
Svojom visinom od 539 metara brdo Pöstlingberg zajedno s Bazilikom, koja je mjestom hodočašća, dominira gradom. S brdsko-planinskom željeznicom, jednom od najstarijih na svijetu, potrebno je 20 minuta da se popnete na ovo brdo. Osmatračnica, zooški vrt i pečinsko carstvo patuljaka su atrakcije koje su zasigurno vrijedne obilaska.



9 voestalpine Stahlwelt
U jedinstvenoj tematskoj cjelini pod nazivom „voestalpine Stahlwelt“ sve se vrti oko čelika. Multimedijalna i interaktivna izložba prikazuje proizvodni proces od samog početka do gotovog proizvoda. Interesantni su i obilasci fabrike uz vodiča.



10 Mural Harbor
Više od 100 grafiti i murala na industrijskim građevinama, koje sežu i do 50 metara u visinu, ukrašavaju luku ovog grada. „Mural Harbor“ je jedna od najvećih povezanih galerija murala na otvorenom. Poslije obilaska u pratnji vodiča, posjetioci imaju priliku da se sami okušaju u zidnom slikarstvu.